

**SPORTSKI SAVEZ USK-a  
BIHAĆ**

Ul. 502. Viteške brigade 37.

E-mail: ssusk.bihac@gmail.com

ID: 4263232310001

Šifra djelatnosti: 93.19

Tel/fax: 037/ 222 – 517



# STATUT

**Bihać, april 2021.godine**

Na osnovu člana 14. Zakona o udruženjima i fondacijama («Službene novine FBiH», broj 45/02), i člana 61. Zakona o sportu USK-a („Službeni glasnik US Kantona broj; 15/10), te na osnovu člana 13. Statuta Saveza, Skupština Sportskog saveza Unsko sanskog kantona, na sjednici održanoj dana 29.04.2021. godine, donosi

# STATUT

## SPORTSKOG SAVEZA UNSKO SANSKOG KANTONA

### I – OPĆE ODREDBE

#### Član 1.

Sportski savez Unsko sanskog kantona (u daljem tekstu: Savez) je nevladina i neprofitna organizacija za razvoj sporta u Unsko sanskom kantonu, kojeg čine sportske organizacije i udruženja na području Unsko sanskog kantona.

#### Član 2.

Ovim Statutom utvrđuju se pitanja od značaja za ostvarivanje ciljeva i obavljanje djelatnosti Saveza, i to:

1. naziv i sjedište Saveza;
2. ciljevi i djelatnosti Saveza;
3. zastupanje i predstavljanje Saveza;
4. organi Saveza;
5. pečat i znak Saveza;
6. sticanje i raspolaganje imovinom;
7. način donošenja izvještaja o radu, finansijskog izvještaja, programa i plana rada i finansijskog plana prihoda i rashoda;
8. postupak za donošenje Statuta, izmjena i dopuna Statuta i drugih općih akata Saveza;
9. uvjeti i način učlanjenja, prestanak članstva, kao i prava, dužnosti i odgovornosti članova Saveza, uvjeti i postupak za pripajanje, razdvajanje ili prestanak rada Saveza;
10. druga pitanja od značaja za djelovanje Saveza.

### II – NAZIV I SJEDIŠTE SAVEZA

#### Član 3.

Naziv Saveza je Sportski savez Unsko sanskog kantona.

Skraćeni naziv Saveza je SS USK-a.

Sjedište Saveza je u Bihaću, ulica 502. Viteške brigade broj 37 (Sportsko rekreativni centar «Rifat Zolić – Gero»).

### III – DJELATNOSTI SAVEZA

#### Član 4.

Djelatnosti Saveza su:

- planiranje razvoja sporta, organizovanje i provođenje sportskih programa i unapređenje sporta;
- utvrđivanje metoda i oblika aktivnosti sa članovima, odnosno članicama Saveza, radi ostvarivanja zajedničkih ciljeva;
- utvrđivanje, definisanje i vođenje osnovne strategije i politike sporta i fizičke kulture u USK-u, a na osnovu planova i programa razvoja udruženih članica;
- unapređenje kvaliteta, podizanje i usavršavanje talentovanih sportista mlađeg uzrasta,
- koordinacija aktivnosti na zastupanju zajedničkih interesa udruženih članica pred državnim i drugim institucijama;
- učešće u definisanju normativa i standarda u distribuciji budžetskih sredstava za finansiranje sporta;
- obrazovanje, rad i pružanje pomoći u usavršavanju stručnih kadrova,
- informativno – obrazovana djelatnost i popularizacija samostalnih provođenja sportskih aktivnosti građana putem sredstava javnog informisanja,
- priprema i realizacija programa sporta predškolske i školske omladine u vannastavnim aktivnostima;
- učešće u izradi i realizaciji ciklusa priprema sportista, posebno sportskih talenata i vrhunskih sportista, za svjetska i evropska prvenstva i olimpijske igre;
- podržavanje aktivnosti na zdravstvenoj zaštiti sportista;
- dodjeljivanje društvenih priznanja i nagrada;
- davanje mišljenja, na osnovu prijedloga udruženih članica, o organizaciji sportskih priredbi i manifestacija od značaja Unsko-sanski kanton, Federaciju Bosne i Hercegovine i Bosne i Hercegovine, ili za priredbe od značaja na međunarodnom planu;
- programiranje, planiranje i realizacija usvojene politike razvoja sporta i tjelesne kulture,
- predstavljanje i zastupanje kod organa vlasti, kako općinskih tako i kantonalnih,
- prema općim aktima Saveza i po dogovoru sa udruženim članicama Saveza, obezbjeđivanje administrativnih i prostornih pretpostavki za rad Stručne službe Saveza;
- obavljanje i drugih poslova i zadataka u skladu sa zakonom, drugim propisima i ovim Statutom.

### IV – OSNOVNI PRINCIPI U SPORTU

#### Član 5.

Osnovni principi na kojima se organizira sport u Unsko sanskom kantonu su:

- prava i slobode sportista,
- afirmacija duha olimpizma,
- pravo svih građana da se bave sportom pod jednakim uvjetima bez obzira na nacionalnu, vjersku, političku, rasnu, socijalnu i spolnu pripadnost,
- ostvarivanje javnog interesa Unsko sanskog kantona u ovoj oblasti i obavez kantonalnih organa da materijalnom podrškom i programima razvoja stvaraju opće i posebne uvjete za sportske aktivnosti, sportsko napredovanje i usavršavanje, materijalnu i društvenu stimulaciju za ostvarivanje vrhunskih rezultata,

- osiguravanje zdravstvene zaštite sportista i sprečavanja upotrebe nedozvoljenih stimulativnih sredstava,
- stručnost u radu i podsticanje naučno istraživačkog rada primjenom savremenih metoda rada, informatike i izdavačke djelatnosti,
- pravilo da se svi sporovi između sportista, sportskih organizacija i organa rješavaju isključivo putem odgovarajućih sportskih organa i arbitražnih sportskih tijela,
- autonomnost sportskih organizacija u pogledu uređivanja unutrašnjih odnosa i udruživanja.

## V – JAVNI INTERES I CILJEVI U SPORTU

### 1. Javni interes

#### Član 6.

Javni interesi i ciljevi Saveza su:

- razvijanje svijesti građana, posebno mladih, o sportu i njegovim vrijednostima,
- doprinos vaspitanju, obrazovanju i razvoju djece i omladine,
- podsticanje i afirmiranje sporta i njegovih vrijednosti kao dijela kulture i ukupnih materijalnih i duhovnih vrijednosti društva,
- očuvanje zdravlja kao osnove svake ljudske aktivnosti, radne produktivnosti, izražavanja stvaralaštva i humanog življenja,
- podsticanje sistematskog i organiziranog bavljenja sportom u slobodno vrijeme,
- sistematsko stvaranje uvjeta za ostvarivanje visokih sportskih rezultata,
- organizacija sistema takmičenja u skladu sa pravilima međunarodnih sportskih federacija,
- studentski sport i sport osoba sa invaliditetom.

### 2. Strategija razvoja sporta

#### Član 7.

- (1) Radi ostvarivanja javnog interesa i ciljeva u sportu, utvrđuje se Strategija razvoja sporta u Unsko sanskom kantonu (u daljnjem tekstu: Strategija).
- (2) Strategija se donosi najmanje za četiri godine (Olimpijski ciklus).
- (3) Na osnovu Strategije, donose se programi razvoja sporta.
- (4) Strategija razvoja sporta u Unsko sanskom kantonu usaglašava se sa Strategijom razvoja sporta u Bosni i Hercegovini.

### 3. Sadržaj Strategije

#### Član 8.

Strategijom se utvrđuju :

- osnovna polazišta i pravci razvoja,
- sadržaj i obim sportskih djelatnosti koje se finansiraju, odnosno sufinansiraju iz budžeta Unsko sanskog kantona,
- razvojni i stručni zadaci u sportu,
- okvirni kriteriji za vrednovanja programa i njihovog finansiranja u sportu,
- nosioci razvoja i mjere kontrole njegove realizacije.

### **Član 9.**

Strategiju i Program razvoja sporta u Unsko sanskom kantonu usvaja Skupština Unsko sanskog kantona, na prijedlog Skupštine Sportskog saveza Unsko sanskog kantona i Vlade Unsko sanskog kantona.

### **Član 10.**

Radi ostvarivanja svojih ciljeva i djelatnosti Savez može osnivati subjekte za vršenje privredne i druge djelatnosti, pod uvjetima, na način i po postupku utvrđenim zakonom.

## **VI- ZASTUPANJE I PREDSTAVLJANJE SAVEZA**

### **Član 11.**

Savez zastupaju i predstavljaju predsjednik Upravnog odbora Saveza i generalni sekretar Saveza.

U poslovima zastupanja i predstavljanja Saveza predsjednik Upravnog odbora nastupa i predstavlja se kao predsjednik Saveza.

## **VII- ORGANI SAVEZA**

### **1. Skupština Saveza**

### **Član 12.**

Skupštinu Saveza (u daljem tekstu: Skupština) čine ovlašteni predstavnici sportskih i drugih udruženja koji su udruženi u Savez (u daljem tekstu: delegati).

Ukupan broj delegata Skupštine, je u ovisnosti od broja članica Saveza. Svaka članica daje po dva (2) delegata u Skupštinu.

### **Član 13.**

Skupština je ovlaštena da:

- 1) donosi Statut, izmjene i dopune Statuta i druge akte određene Statutom;
- 2) daje suglasnost na pravne radnje poduzete u postupku osnivanja Saveza;
- 3) bira i opoziva predsjednika Skupštine;
- 4) bira i opoziva predsjednika i članove Upravnog odbora;
- 5) bira i opoziva predsjednika i članove Nadzornog odbora;
- 6) usvaja izvještaje koje je pripremio Upravni odbor;
- 7) odlučuje o udruživanju u Saveze, pripajanju, razdvajanju, transformaciji, prestanku rada, i drugim statusnim promjenama Saveza;
- 8) donosi Poslovnik o svom radu;
- 9) utvrđuje i usvaja finansijske izvještaje i izvještaje o radu Saveza;
- 10) potvrđuje delegiranje predstavnika Saveza u druge Saveze i organizacije;
- 11) utvrđuje osnove strategije i politike sporta Unsko sanskog kantona;
- 12) utvrđuje osnove politike međunarodne sportske saradnje;
- 13) daje mišljenje na normative, standarde i kriterije na osnovu kojih se na nivou Unsko sanskog kantona vrši raspodjela sredstava za finansiranje sporta;
- 14) vrši nadzor nad namjenskim korištenjem i upravljanjem sredstvima;
- 15) odlučuje o svim pitanjima koja nisu u nadležnosti drugog organa Saveza.

#### **Član 14.**

Redovna sjednica Skupštine se održava najmanje jednom godišnje, po pravilu početkom godine, a najkasnije do kraja aprila tekuće godine.

Po potrebi, mogu se održavati i vanredne i svečane sjednica Skupštine.

#### **Član 15.**

Na inicijativu Upravnog odbora ili najmanje jedne trećine svih delegata Skupštine predsjednik Skupštine dužan je sazvati Skupštinu.

Za održavanje i punopravno odlučivanje Skupštine potrebno je prisustvo najmanje za jedan preko broja polovine svih delegata Skupštine, koji čine kvorum Skupštine.

Skupština odluke iz svoje nadležnosti donosi:

- dvotrećinskom većinom od ukupnog broja glasova delegata Skupštine za usvajanje Statuta, njegovih izmjena i dopuna, te za prestanak, pripajanje, razdvajanje i transformaciju Saveza,
- nadpolovičnom većinom od ukupnog broja glasova delegata Skupštine za izbor i opoziv predsjednika Skupštine, izbor i opoziv Upravnog odbora, izbor i opoziv predsjednika Upravnog odbora (osim u slučaju glasanja za izbor predsjednika Upravnog odbora u skladu sa članom 19. stav 6.), te izbor i opoziv Nadzornog odbora,
- nadpolovičnom većinom prisutnih glasova delegata Skupštine za sve ostale odluke iz nadležnosti Skupštine.

#### **Član 16.**

Ostala pitanja u vezi sa načinom rada i odlučivanja Skupštine uređuju se Poslovníkom o radu Skupštine.

#### **Član 17.**

Mandat delegata u Skupštini je četiri godine, uz mogućnost ponovnog delegiranja.

Ukoliko delegat Skupštine iz bilo kojeg razloga prestane sa vršenjem funkcije delegata Skupštine, članica Saveza koja ga je imenovala za delegata, na njegovo mjesto imenuje drugog delegata koji nastavlja mandat prethodnog delegata.

Članovi Skupštine imaju pravo na nadoknadu za rad u Skupštini, kao i naknadu troškova nastalih u vezi sa radom u Skupštini, u visini koju odredi Upravni odbor svojom odlukom.

### **2. Predsjednik Skupštine**

#### **Član 18.**

Skupštinu saziva i njenim radom rukovodi predsjednik Skupštine.

Predsjednik Skupštine se bira iz reda delegata Skupštine.

Mandat predsjednika traje 4 godine i može biti ponovo biran na tu dužnost.

Predsjednik Skupštine potpisuje dokumenta i akta koje donese Skupština, brine se o upoznavanju javnosti sa radom Skupštine i njegovih tijela.

### 3. Upravni odbor

#### Član 19.

Upravni odbor ima trinest (13) članova, od kojih je jedan predsjednik Upravnog odbora i biraju se iz redova:

- osam (8) članova Upravnog odbora Saveza daje svaki Sportski savez grada/općine sa prostora Unsko sanskog kantona,
- tri (3) člana Upravnog odbora Saveza daju Savezi jednog sporta – Strukovni savezi i to:
  - jedan član ispred loptačkih sportova,
  - jedan člana ispred borilačkih
  - jedna člana ispred ostalih sportova,
- jednog (1) člana Upravnog odbora daje SSRI USK-a,
- jednog (1) člana Upravnog odbora daje Društvo pedagoga tjelesnog odgoja USK-a.

Predsjednik i članovi Upravnog odbora biraju se na period od četiri godine, a nakon isteka mandata mogu biti ponovo birani.

Skupština Saveza svojom odlukom u paketu vrši izbor članova Upravnog odbora u skladu sa članom 15. stav 3.

Nakon donešene odluke o izboru Upravnog odbora Saveza iz predhodnog stava ovog člana, Skupština Saveza iz reda kandidata predloženih za predsjednika Upravnog odbora vrši izbor. Kandidat koji je dobio više glasova delegata Skupštine je predsjednik Upravnog odbora i predsjednik Saveza, pod uslovima iz člana 15. stav 3. alineja 2.

U slučaju da se izbor za predsjednika Upravnog odbora vrši između više od dva kandidata, a nijedan kandidat ne dobije potrebnu većinu u skladu sa članom 15. stav 3. alineja 2., pristupa se drugom krugu glasanja u koji ulaze dva kandidata koji su dobili najveći broj glasova delegata Skupštine u prvom krugu. Kandidat koji u drugom krugu dobije prostu većinu glasova delegata Skupštine je predsjednik Upravnog odbora i Predsjednik Saveza.

U slučaju istog broja glasova, odlučuje glas predsjednika Skupštine.

#### Član 20.

Upravni odbor je ovlašten da:

- 1) priprema sjednice Skupštine;
- 2) priprema i predlaže izmjene i dopune Statuta i drugih akata koje donosi Skupština;
- 3) provodi politiku, zaključke i odluke Skupštine;
- 4) odlučuje o pribavljanju sredstava, pokretne i nepokretne imovine u korist i za račun Saveza, kao i o raspolaganju sa tom imovinom, u skladu sa zakonom i ovim statutom;
- 5) brine o obezbjeđivanju sredstava i drugih uvjeta za rad Saveza;
- 6) upravlja imovinom Saveza s pažnjom dobrog domaćina;
- 7) donosi programe rada i finansijske planove Saveza, utvrđuje prijedlog godišnjeg obračuna i podnosi ga Skupštini na usvajanje;
- 8) podnosi godišnje izvještaje o svom radu Skupštini na usvajanje;
- 9) imenuje generalnog sekretara Saveza;
- 10) imenuje stalna i povremena radna tijela Saveza (komisije, odbori, i sl.);
- 11) donosi pravilnike i druge opće i pojedinačne akte, u skladu sa ovim Statutom;
- 12) odlučuje o prijemu u članstvo Saveza i prestanku članstva u Savezu;
- 13) odlučuje o zaključivanju ugovora, sporazuma i drugih akata sa trećim osobama;
- 14) odlučuje o osnivanju subjekata za privrednu i drugu djelatnost, pod uvjetima utvrđenim zakonom i ovim statutom;

- 15) donosi odluku o dodjeli priznanja, pohvala i nagrada Saveza;
- 16) predlaže dodjelu javnih priznanja, pohvala i nagrada drugim institucijama, u skladu sa zakonom i aktima Saveza;
- 17) odlučuje o službenim putovanjima u inozemstvo;
- 18) odlučuje o potrebi zapošljavanja i drugog angažiranja stručnog i administrativnog osoblja za potrebe Saveza;
- 19) brine se i odlučuje o izvršavanju zadataka koji se odnose na finansijsko poslovanje Saveza, u skladu sa Zakonom;
- 20) vrši i druge poslove u skladu sa Zakonom, ovim Statutom i odlukama Skupštine.
- 21) donosi Pravilnik o raspodjeli sredstava iz Budžeta Unsko sanskog kantona, namjenjenih za oblast sporta.

#### **Član 21.**

Članovi Upravnog odbora imaju pravo na naknadu za rad u Upravnom odboru, kao i pravo na naknadu troškova u vezi prisustva sjednicama Upravnog odbora, u visini koju svojom odlukom određuje Upravni odbor.

Član Upravnog odbora ne može biti član Skupštine.

Ostala pitanja koja se odnose na način rada i odlučivanja Upravnog odbora utvrđuju se Poslovnikom o radu Upravnog odbora.

#### **4. Predsjednik Upravnog odbora Saveza**

##### **Član 22.**

Predsjednik Upravnog odbora obavlja sljedeće poslove i zadatke:

- predstavlja i zastupa Savez;
- naredbodavac je za provedbu finansijskog plana Saveza,
- daje naloge u cilju provođenja programa i finansijskog plana,
- saziva i predsjedava sjednicama Upravnog odbora,
- potpisuje opća i druga akta koje donosi Upravni odbor,
- prati provođenje programa rada, zaključaka i odluka Skupštine, Upravnog odbora i radnih tijela Saveza,
- nadzire rad Generalnog sekretara ,
- organizuje, koordinira i usklađuje rad i aktivnosti Saveza u skladu sa dogovorenom politikom razvoja sporta i tjelesne kulture Unsko sanskiog kantona i općim aktima Saveza,
- obavlja djelatnosti ustanovljene Statutom i drugim općim aktima Saveza,
- obavlja i druge poslove i zadatke donesene odlukom Skupštine i Upravnog odbora.

##### **Član 23.**

Predsjednik je za svoj rad odgovoran Skupštini. U hitnim slučajevima predsjednik ima pravo da donosi odluke u ime Upravnog odbora uz konsultacije sa većinom članova Upravnog odbora. Ove odluke su privremenog karaktera i trebaju biti potvrđene na prvoj narednoj sjednici Upravnog odbora.

Predsjednik Upravnog odbora Saveza se bira iz reda članova Upravnog odbora, a shodno članu 19. stav 1. ovog Statuta.

Mandat predsjednika Upravnog odbora Saveza traje 4 godine i može biti ponovo biran na tu dužnost.



#### **Član 24.**

U slučaju prijevremenog napuštanja funkcije predsjednika Saveza (ostavke, bolesti, ...) do naredne izborne ili vanredne sjednice Skupštine, funkciju V.D. predsjednika obavljat će član Upravnog odbora Saveza kojeg Upravni odbor Saveza imenuje za V.D. predsjednika.

Član Upravnog odbora koji se imenuje za V.D. predsjednika istu funkciju može obavljati 2 mjeseca od dana imenovanja. Izborom novog predsjednika odlukom delegate Skupštine VD predsjedniku automatski prestaje mandat.

#### **Član 25.**

Predsjednik Upravnog odbora Saveza ima pravo na naknadu za rad, a visinu nadoknade svojom odlukom određuje Upravni odbor.

### **5. Vijeće za sport**

#### **Član 26.**

Vijeće za sport Unsko sanskog kantona (u daljem tekstu Vijeće) najviše je savjetodavno tijelo Skupštine Unsko sanskog kantona, koje se brine za razvoj i kvalitet sporta na nivou Unsko sanskog kantona,

Vijeće je nadležno za:

- daje mišljenja o Strategiji razvoja sporta,
- daje mišljenja o Programu razvoja sporta,
- daje mišljenja o godišnjim planovima i finansijskim potrebama sporta,
- raspravlja o pitanjima značajnim za sport, te predlaže i podstiče donošenje mjera za unapređenje sporta,
- koordinira i surađuje sa Sportskim savezom Bosne i Hercegovine,
- predlaganje prioretetnih projekata, elaborata i studija za njihovo finansiranje u sistemu javnih potreba u sportu,
- predlaganje smjernica za izradu propisa o kategorizaciji sportista,
- davanje mišljenja i preporuka za nacрте i prijedloge propisa koji se odnose na sport,
- obavljanje i drugih poslova utvrđenih ovim Zakonom i drugim propisima.

#### **Član 27.**

Vijeće ima ukupno 11 članova koje imenuje Vlada USK-a, na prijedlog ministra obrazovanja, nauke, kulture i sporta USK-a, koji se biraju između istaknutih sportista i sportskih radnika.

Članove Vijeća predlažu: Ministarstvo obrazovanja, nauke, kulture i sporta USK-a 2 člana, Sportski savezi općina 8 članova (svaki Savez općine po jednog člana) i Sportski savez USK-a 1 člana.

Vijeće se imenuje na period od četiri godine (Olimpijski ciklus).

Vijeće jednom godišnje podnosi izvještaj o svom radu Vladi USK-a.

Administrativne poslove za Vijeće obavlja Sportski savez USK-a.

Vijeće donosi Poslovnik o radu, na koji saglasnost daje ministar obrazovanja, nauke, kulture i sporta USK-a.

Vijeće ima predsjednika i dopredsjednika.

## 6. Nadzorni odbor

### Član 28.

Nadzorni odbor vrši nadzor nad zakonitošću rada i finansijskog poslovanja Saveza.

Nadzorni odbor ima tri člana, koje imenuje Skupština Saveza.

Članovi Nadzornog odbora između sebe biraju predsjednika Nadzornog odbora.

Mandat članova Nadzornog odbora je četiri godine, a po isteku mandata mogu biti ponovo birani.

Nadzorni odbor razmatra finansijski godišnji izvještaj o radu Saveza, te vrši druga ovlaštenja u skladu sa zakonom i ovim Statutom.

Nadzorni odbor podnosi Skupštini Saveza izvještaj o svom radu, najmanje jednom godišnje.

Nadzorni odbor za vršenje poslova, odnosno ovlaštenja iz svoje nadležnosti može po potrebi angažirati specijalizirane institucije i stručne osobe, ako je to neophodno za razrješenje složenijih pitanja u vezi rada Saveza.

Članovi Nadzornog odbora ne mogu biti iz redova članova Upravnog odbora i delegata Skupštine Saveza.

Članovi Nadzornog odbora imaju pravo na naknadu za rad u Nadzornom odboru, kao i na naknadu troškova nastalih u vezi sa radom u Nadzornom odboru, u visini koju odlukom utvrđuje Upravni odbor.

## 7. Generalni sekretar Saveza

### Član 29.

Generalni sekretar Saveza je osoba koja za vršenje poslova radnog mjesta generalnog sekretara Saveza zasniva radni odnos na neodređeno vrijeme, zaključenjem ugovora o radu, u skladu sa zakonom.

Prava i obaveze generalnog sekretara Saveza utvrđuju se ovim Statutom, ugovorom o radu i Pravilnikom o radu.

Na druga prava i obaveze generalnog sekretara Saveza primjenjuju se odredbe zakona i drugih propisa iz oblasti rada, kao i opća i pojedinačna akta organa Saveza.

### Član 30.

Generalni sekretar Saveza:

- 1) u odsutnosti ili spriječenosti predsjednika Upravnog odbora, odnosno predsjednika Saveza, zastupa i predstavlja Savez;
- 2) rukovodi radom stručne službe (ukoliko je obrazovana);
- 3) obavlja i brine se o obavljanju administrativno-tehničkih i finansijskih poslova za potrebe Saveza;
- 4) pruža predsjedniku Saveza neophodnu pomoć u obavljanju poslova iz njegove nadležnosti;
- 5) učestvuje u pripremanju sjednica Upravnog odbora i Skupština Saveza;
- 6) učestvuje u radu Upravnog odbora, bez prava odlučivanja;
- 7) obavlja i druge poslove iz djelokruga rada Saveza, po odlukama Skupštine i Upravnog odbora, te po uputama i nalogima predsjednika Upravnog odbora.

### **Član 31.**

Za potrebe organa Saveza i udruženih članica može se obrazovati jedinstvena stručna služba za obavljanje stručnih, računovodstvenih i administrativno-tehničkih poslova.

Stručna služba iz stava 1. ovog člana, na prijedlog Upravnog odbora, obrazuje se odlukom Skupštine.

### **Član 32.**

Ostala pitanja koja se odnose na unutrašnju organizaciju i djelokrug rada stručne službe, imenovanje i smjenjivanje, djelokrug poslova, prava i odgovornosti generalnog sekretara, utvrđuju se Pravilnikom o unutrašnjoj organizaciji i Pravilnikom o radnim odnosima Saveza.

Pravilnike iz stava 1. ovog člana donosi Upravni odbor.

## **8. Komisije Saveza**

### **Član 33.**

Radi razmatranja i proučavanja određenih pitanja i realiziranja poslova i zadataka, Upravni odbor može obrazovati stalne i povremene komisije i druga radna tijela, a naročito:

- Finansijska komisija;
- Disciplinska komisija;
- Komisiju za međunarodnu saradnju;
- Statutarno pravna komisija;
- Komisiju za Izbor sportiste godine.

Komisije u pravilu imaju tri člana ili veći broj odlukom Upravnog odbora, a u istim može biti samo jedan član Upravnog odbora. Na svojoj konstituirajućoj sjednici članovi komisije biraju predsjednika.

Bliža pitanja o obrazovanju i radu komisija uređuju se Poslovníkom o radu komisija.

## **VIII – PEČAT I ZNAK SAVEZA**

### **Član 34.**

Pečat Saveza je okruglog oblika, prečnika 30 mm, sa tekstom ispisanim po obodu pečata, latiničnim pismom, koji sadrži naziv i sjedište Saveza.

U sredinu pečata unosi se znak Saveza.

Znak saveza je okruglog oblika, u sredini znaka je natpis SS USK-a – Bihać.

Na znaku su dva velika slova, kao simboli rijeke Une i Sane, a po obodu kruga je ispisana tekst punog naziva saveza.

### **Član 35.**

U slučaju korištenja, upotrebe ili isticanja znaka Saveza, iznad znaka ispisuju se riječi: «Sportski savez Unsko-sanskog kantona», Bihać.

## **IX – STICANJE I RASPOLAGANJE IMOVINOM**

### **Član 36.**

Imovinu Saveza čine :

- sredstva dobijena iz budžeta,
- članarina,
- dobrovoljni prilozi i pokloni fizičkih i pravnih lica,
- prihodi od kamata, dividendi, dobiti od kapitala, zakupnine, honorara i sličnih izvora pasivnih prihoda,
- prihodi stečeni obavljanjem privredne djelatnosti,
- drugi prihodi stečeni u skladu sa Zakonom i Statutom.

### **Član 37.**

Korištenje i raspolaganje sredstvima Saveza vrši se na osnovu finansijskog plana, u skladu sa programom rada, a primjenom propisa o finansijskom poslovanju i odluka Skupštine i Upravnog odbora, vodeći računa da se sredstva koriste u svrhu ostvarivanja ciljeva i djelatnosti Saveza.

Za izvršenje finansijskog plana odgovorni su predsjednik Upravnog odbora i generalni sekretar Saveza.

## **X – FINANSIJSKI IZVJEŠTAJ I IZVJEŠTAJ O RADU**

### **Član 38.**

Finansijski izvještaj i izvještaj o radu Saveza, na prijedlog predsjednika Upravnog odbora i generalnog sekretara, priprema i utvrđuje Upravni odbor, i podnosi ih Skupštini na usvajanje najmanje jednom godišnje, a po potrebi i periodično, odnosno u rokovima utvrđenim zakonom.

Odluka o usvajanju izvještaja iz stava 1. ovog člana donosi se natpolovičnom većinom prisutnih delegata na Skupštini.

## **XI – STATUT I OPĆI AKTI SAVEZA**

### **Član 39.**

Statut Saveza, na prijedlog Upravnog odbora, donosi Skupština Saveza dvotrećinskom većinom svih delegata Skupštine.

Izmjene i dopune Statuta vrše se donošenjem odluke o izmjenama i dopunama Statuta, na način i po postupku iz stava 1. ovog člana.

Izmjene i dopune Statuta vrše se i na inicijativu najmanje jedne trećine delegata Skupštine.

### **Član 40.**

Prijedlog odluke o izmjenama i dopunama Statuta utvrđuje Upravni odbor i dostavlja ga u pismenom obliku delegatima Skupštine, najmanje 8 dana prije održavanja Skupštine na kojoj će se odlučivati o izmjenama i dopunama Statuta.

#### **Član 41.**

Ukoliko je neophodno izvršiti obimnije izmjene i dopune Statuta, može se donijeti novi Statut čijim stupanjem na snagu prestaje da važi dotadašnji Statut.

#### **Član 42.**

Pored Statuta, u Savezu se mogu donositi i druga opća akta Saveza kojima se bliže uređuju pitanja od značaja za rad Saveza, a naročito rad i radni odnosi, unutrašnja organizacija, rad komisija Saveza, finansijsko poslovanje Saveza, disciplinska odgovornost članova Saveza, način i postupak dodjele nagrada i javnih priznanja, i druga pitanja.

Druga opća akta iz stava 1. ovog člana donosi Upravni odbor Saveza.

#### **Član 43.**

Skupština Saveza donosi Poslovnik o radu Skupštine, većinom glasova prisutnih delegata Skupštine.

Poslovnik o radu Skupštine sadrži pitanja koja se odnose na rad i odlučivanje Skupštine, a naročito, pripremanje i sazivanje Skupštine, održavanje i rad Skupštine, rukovođenje radom Skupštine, stalna i povremena radna tijela Skupštine, način odlučivanja Skupštine, odnos Skupštine prema nadležnim organima i javnosti, te druga pitanja od značaja za rad Skupštine Saveza.

#### **Član 44.**

Upravni odbor Saveza donosi Poslovnik o radu Upravnog odbora.

Poslovnik o radu Upravnog odbora sadrži pitanja koja se odnose na rad i odlučivanje Upravnog odbora, pripremanje i sazivanje sjednica, održavanje sjednice i odlučivanje Upravnog odbora, rukovođenje radom Upravnog odbora, radna tijela Upravnog odbora, odnos Upravnog odbora prema Skupštini i drugim nadležnim tijelima i organima, te druga pitanja od značaja za rad Upravnog odbora.

## **XII – ČLANSTVO U SAVEZU**

### **1. Uvjeti i način učlanjenja u Savez**

#### **Član 45.**

Članstvo u Savezu je dobrovoljno i mogu ga steći gradski/općinski sportski savezi, savezi jednog sporta, Sportski savez osoba sa invaliditetom i sportske organizacije upisane u registar udruženja u skladu sa zakonom.

O članstvu u Savezu odlučuje Upravni odbor, na temelju pismenog zahtjeva za pristupanje Savezu, uz koji se podnosi rješenje o upisu u registar udruženja, Statut udruženja i identifikacioni broj udruženja.

Na temelju odobrenja Upravnog odbora, nova članica Saveza potpisuje ugovor o pristupanju u Savez.

Ugovorom iz stava 3. ovog člana utvrđuju se međusobna prava i obaveze Saveza i članica Saveza.

## **2. Prestanak članstva u Savezu**

### **Član 46.**

Članstvo u Savezu prestaje dobrovoljnim istupanjem iz Saveza, prestankom svojstva pravnog lica članice, prestankom rada članice i isključivanjem iz Saveza.

Članstvo u Savezu prestaje isključivanjem iz Saveza u slučaju težeg kršenja odredaba ugovora o pristupanju u Savez, i u slučaju ako članica Saveza poduzima radnje i postupke koji su u suprotnosti sa ciljevima i djelatnostima Saveza ili nanose štetu ugledu Saveza.

Odluku o isključivanju iz članstva Saveza donosi Upravni odbor, a po žalbi protiv odluke o isključivanju iz Saveza odlučuje Skupština Saveza, čija je odluka konačna.

Ostala pitanja koja se odnose na prestanak članstva isključivanjem iz Saveza uređuju se Pravilnikom o disciplinskoj odgovornosti.

## **3. Prava, dužnosti i odgovornosti članica Saveza**

### **Član 47.**

Članice Saveza imaju prava i dužnosti da:

- aktivno učestvuju u ostvarivanju ciljeva Saveza i vršenju djelatnosti Saveza;
- biraju, odnosno predlažu svoje predstavnike u organe i tijela Saveza;
- preko svojih predstavnika aktivno učestvuju u radu i odlučivanju u organima i tijelima Saveza;
- ostvaruju određena finansijska sredstva iz sredstava koja obezbjeđuje Savez, prema kriterijima utvrđenim općim aktom Saveza i raspoloživim sredstvima;
- udružuje određena finansijska sredstva za finansiranje zajedničkih funkcija Saveza;
- izvršavaju druga prava i obaveze utvrđene ovim Statutom i drugim općim aktima Saveza i odlukama Skupštine Saveza.

### **Član 48.**

Nepoštivanjem odredaba ovog Statuta, drugih općih akata, odluka organa Saveza i ugovora iz člana 45. stav 4. ovog Statuta, članice Saveza čine povrede discipline za koje im se može izreći kazna, u skladu sa Pravilnikom o disciplinskoj odgovornosti.

## **XIII – PRIPAJANJE, RAZDVAJANJE, TRANSFORMACIJA I PRESTANAK RADA SAVEZA**

### **Član 49.**

Savez se može pripajati, razdvajati, transformirati, te prestati sa radom u skladu sa zakonom o čemu odluku donosi Skupština Saveza, dvotrećinskom većinom glasova svih članova Skupštine.

## Član 50.

Savez prestaje s radom:

- ako Skupština Saveza, iz opravdanih razloga donese odluku o prestanku rada Saveza, ili promjeni – transformacija Saveza, na način i po postupku utvrđenim u članu 49. ovog Statuta;
- ako je Savez prestao djelovati, odnosno ako je proteklo 2 godine od dana održavanja Skupštine, a nova Skupština nije održana ili ako se smanji broj članica Saveza ispod tri, a Skupština u roku od tri mjeseca od dana nastupanja ove okolnosti ne donese odluku o prijemu novih članica;
- u drugim slučajevima utvrđenim zakonom.

## XIV – RASPODJELA PREOSTALE IMOVINE U SLUČAJU PRESTANKA RADA SAVEZA

### Član 51.

U slučaju prestanka rada Saveza u skladu sa zakonom i ovim Statutom, iz preostalih novčanih sredstava podmiruju se dugovi prema povjeriocima, dugovanja prema zaposlenicima Saveza po osnovu prava iz radnog odnosa, eventualna dugovanja prema osnivačima Saveza i druga dugovanja.

Preostala novčana sredstva, pokretna i nepokretna imovina Saveza ustupa se na korištenje Vladi Unsko sanskog kantona, ili drugom udruženju iste ili slične djelatnosti iz oblasti sporta, na način i pod uslovima utvrđenim zakonom.

### Član 52.

Sve odluke o raspodjeli preostale imovine u slučaju prestanka rada Saveza, na prijedlog Upravnog odbora, donosi Skupština Saveza dvotrećinskom većinom glasova svih članova Skupštine.

## XV – PRELAZNE I ZAVRŠNE ODREDBE

### Član 53.

Opća akta iz ovog statuta koja su neophodna za rad Saveza Upravni odbor će donijeti u roku od tri mjeseca od dana stupanja na snagu ovog Statuta, a ostala opća akta po potrebi.

### Član 54.

Stupanjem na snagu ovog Statuta prestaje da važi Statut Sportskog saveza Unsko sanskog kantona, ovjeren od kantonalnog ministarstva Pravde broj: 07-05-9823-UP-1/2012 od 24.07.2012.godine i Odluka o izmjenama i dopunama Statuta, ovjeren kod kantonalnog ministarstva Pravde 07-05-19182-UP-1//12 od 19.12.2012.godine.

### Član 55.

Ovaj Statut stupa na snagu danom donošenja.

Broj: 137/21  
Bihać, 29.04.2021. godine



Predsjednik Skupštine  
Sportskog saveza USK-a

*Ibrahim Alihodžić*  
Ibrahim Alihodžić



ОТВЈЕРАВА:  
МИНИСТАРСТВО ПРАВОСУДЈА И УПРАВЕ

Број: 07-09-5575-UP-1/2029

Датум: 20.05.2029 Потпис: